

Zeitschrift: L'ami du patois : trimestriel romand
Band: 14 (1986)
Heft: 55

Artikel: Patêjan de la Grevîre : lè patêjan de la Grevîre in-athinbyâye a Broc
Autor: Chudan, R.
DOI: <https://doi.org/10.5169/seals-241601>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 16.05.2025

ETH-Bibliothek Zürich, E-Periodica, <https://www.e-periodica.ch>



Lè Patêjan de la Grevîre
in-athinbyâye a Broc

* * * * *

Tyè vo dre d'na paryè athin-
byâye? Ouna tota bala raou-
chête môgrâ le bi chèn-là ke
hyirivè on-outon pyin dè pro-

mèchè. Grâthe i "Ryondênè" dè Broc ke la rênnonmâye l'a pachâ
du li-a grantin lè frontêrè dè nouthron payi, ha rinkontra,
apri on tsôtin k'on règrètèrè grantin, no j'a rèdzoyi le kà.
Chi groupèmin ke prèjidè M. Gérard Deillon è diridji dè man
dè mètre pè M. Lèon Tâche no j'a intrètsantâ pè chè bi tsan
è l'a achtou chènâ on-è dè djitâ chu tota l'achichtanthe.
Inke, no pouin lè fèlichitâ dè to kà.

M. Tâche l'avi tchithâ ouna fîtha dè famiye èchprè po menâ
a bin la "tâtse" ke li irè j'ou konfyâye. To chin irè mi
tyè bi, irè mimamin prenyin è bin di minbro chon j'ou tan
inprèchyenâ ke l'avan lè lègremè i j'yè chuto kan Mma
Messerli-Savary l'a ègjèkutâ chon tsancholè. Onkor on kou,
bravô!

L'athinbyâye l'a chuèvu ch'n'ouâdre dou dzoua pè la lèkture
dou P.-V. de l'athinbyâye ke chè tinyète a Chorin.

Pu, nouthron prèjidan in tsêrdze, André Brodâ chalùè, dè
cha vouè ke rèthrenâvè din ha granta châla de la Méjon-dè-
Vela, la prèjinthe dè bin kotyè pèrchenalitâ. No pâchin
a n'on chapitre di pye inportin din le programe ke no no
j'iran drèhyi: la lethon dè patê ke l'avi tré i bîthè de
la fèrme. Mé dè 100 mo, tinyidè-vo bin du le vèrbe "vilâ"
tantyè ou vèrbe "ôvâ" in pachin pè le non dè totè lè bî-
thè dou bà tantyè ou pudzin.

Apri chin, lya j'ou di tsan, di j'ichtouâre - pâ na gouge-
nèta - kotyè dichkour ke beton le patê a l'anà.

In l'absanthe dou Chindike è dè ti lè Konchiyé, Mma Judith
Refyon no j'a rakontâ l'ichtouâre dou velâdzo dè Broc, chon
velâdzo ke konyè a fon. L'a pâ mankâ dè no parlâ de la krê
k'irè j'ou pôjâye la vèye chu la Din nè dè ha k'irè j'ou
pyantâye in l8 a la fin de la djêra.

Nouthr'n'imne "Lè j'armayi di Kolonbètè" intonâ pè Justin
Michel è rèprè pè tota l'achichtanthe l'a korenâ ha bâl'
athinbyâye k'André Brodâ l'a lèvâ irè 5 àrè.

R. Chudan

P.S. Lè non dè famiye chon j'ou èkri èchprè in franché.